

泰州志卷之二十

名宦

宋陸子真吳郡吳人元嘉中海陵太守中書舍人秋
見幸家在海陵假還葬父子真不與相聞當請發民治
橋又以妨農不許彭城王義康聞而賞焉南齊書

案秋當宋書本傳亦同惟宋書張茂度傳作狄當未
知孰是

劉善明平原人泰始中海陵太守郡境邊海無樹木善
明課人種榆櫝雜果遂獲其利南史

舊志有隋賀若弼唐李承案弼為吳州總管隋時吳

泰州志

卷之二十

名宦

一

州有四其一即江都郡後周所置開皇九年改為揚
州至海陵縣置吳州在唐高祖武德時詳見府志承
為淮南西道黜陟使二人非泰州官故秩官不載今
見事略

五代褚仁規字可則廣陵人仕吳為海陵制置院使南
唐昇元元年置泰州以仁規為刺史開築城濠海陵民
多爭訟連免數令以仁規兼縣事明察果斷法不少貸
所部魚鹽竹葦之地財用所出每有大役常賦不能給
使吏視民家所有舉籍取之事訖以次償補罔有逋遺
民無怨者康熙府志引馬令南唐書以仁規仕吳為海陵鹽監使兼縣事

案馬令南唐書言仁規措克不已多入私門刑罰滋
暴加以奢縱府志不入名宦今仍舊志錄入

郭載保大中刺史鑿池城西北隅廣袤數頃以禦敵俗
呼太保潭舊志

荆罕儒冀州信都人周顯德初領泰州刺史世宗幸泰
州以罕儒為團練使賜金帶銀器鞍勒馬六年春軍吏
者艾詣闕請留恭帝詔褒之罕儒輕財好施州有煮海
之利歲入鉅萬詔聽十收其八用猶不足家財入有籍
出不問其數雖不知書好禮接儒士在州修築羅城增
子城營州治宋史參舊志

泰州志

卷之三

名宦

宋周敬述成都人太宗時以秘書丞知泰州撫定遺民
辨其罪否聞於朝得免誅者二千人作大冢廬山下葬
暴骸萬餘州人刻石頌之後卒於官遂家焉子孫自孟
陽而下登科第仕卿監郎曹者甚

案州治無廬山侯攷

唐肅字叔元錢塘人徙泰州司戶參軍有商人寓逆旅
而同宿者殺人亡去商人夜聞聲往視血沾衣為捕吏
所執州趣具獄肅探知其寃持之後數日得殺人者

守雷有終就辟為觀察推官

府志據宋史

舊志雍正府志俱不載今依府志增入案司戶參軍

府志於秩官標司理參軍雷有終府志入轉官副
胡令儀陳畱人淳化至道間以大理評事令海陵法
假貨吏民憚之天聖中任發運使先是范仲淹請築捍
海堰甫役會大雨雪驚濤洶湧役夫有旋濇而死者謹
言堰不可成朝廷以令儀曾令海陵命為淮南轉運使
按役之可否令儀力主仲淹議不可奪堰卒成民至今
利之州人於張范祠增祀令儀為三賢祠舊志
晏殊字同叔撫州人嘗官秦州西溪鎮民思不忘改名
晏溪鎮有書院南風亭皆殊建歷官觀文殿大學士終

舊志

秦州志

卷之二十

各宦

三

曾致堯南豐人咸平中知秦州有山亭六詠詩後子易
占知如準紹聖中孫肇復典是郡因立三至堂六詠亭

焉

舊志參名勝志府志

府志以致堯別無宦蹟不列名宦今仍舊志編入

歐陽觀字仲賓廬陵人白綿州軍事推官於大中祥符

三年調秦州軍事判官廉而好施予卒於任正身懷道

不及其施子修官參知政事累贈崇國公

舊志參歐陽文忠公集

范仲淹字希文吳縣人天聖中監秦州西溪鹽稅海

舊有捍海堰久廢不治秋濤漲溢每冒民田仲淹謀於

發運使張綸請修復之西白鹽城北接岫陽南抵通秦

海門綿亘數百里築堤壘石又置牘納潮以通漕海濱
沮洳瀉鹵之地復爲良田民享其利稱之爲范公堤立
祠祀之後遷右司諫江淮旱蝗仲淹請遣使循行未報
乃請間日宮掖中半日不食當何如帝惻然乃命仲淹
安撫江淮開倉賑卹又奏蠲折役茶江東丁口鹽錢以
資政殿學士遷戶部侍郎卒諡文正

舊志參東都事
畧方輿紀要

張綸字公信

舊志作昌
言依府志

汝陰人天禧中除江淮制置發

運副使

舊志作
發運使

時鹽課大虧奏除通泰楚三州鹽戶宿

負助其器用鹽入優與之直由是歲增課數十萬石築
漕河堤二百里於高郵北旁錮鉅石爲十礎以洩橫流

秦州志

卷之二十

名宦

四

及范仲淹議修捍海堰論者難之綸表三請願身自臨
役命兼權知秦州卒成堰復通戶三千六百州民德之
爲立生祠

宋史

滕宗諒字子京河南人與范仲淹同登進士第天聖中
爲秦州從事時仲淹爲鹽官同護海堰之役遇大風至
卽夕潮上兵民驚逸吏蒼惶不能止宗諒神色不變緩
說利害衆意乃定建文會堂招延賓友富弼胡瑗周孟
陽皆以文行爲宗諒所厚

舊志參范
文正公集

案宗諒以秦州軍事推官名試學士院見宋史本傳
道輔字源魯孔子四十五代孫明道三年權御史

丞會郭后廢道輔率諫官御史十人詣垂拱殿伏奏皇
后天下之母不當輕議黜廢願賜對盡所言於是出知
秦州道輔性鯁挺特達遇事彈劾無所避出入風采肅

然宋史

余靖字安道曲江人充集賢校理寶元中監南城稅務
范仲淹以言事謫知饒州余靖尹洙並言仲淹忠亮有
素靖貶監筠州酒稅稍徙秦州歐陽修貽書責司諫高
若納貶夷陵令蔡襄作四賢一不肖詩靖其一也其後
朝廷感悟復用仲淹被斥者皆召還靖以便親乞知英

州舊志參歐陽文忠公集

秦州志

卷之二十

名宦

五

案南城未知何屬府志不載此事

韓琦字稚圭安陽人仁宗朝以待中知秦州設條教葺
帑廩治武庫勸農興學民愛之如父母琦所至惠愛及
人既去思慕不已往往畫像事之

舊志參忠獻韓魏王家傳

趙抃字閱道西安人進士及第仁宗時知海陵縣抃長
厚清修人不見其喜愠所至崇學校禮師儒民有可與
與之獄有可出出之因俗設施要以惠利爲本黃震言
其爲政愷悌不嚴而肅雖古循良無以過之至和中參
知政事極言新法不可而去卒謚清獻

參宋史東都事畧

富弼字彥國河南人治平二年任秦州軍事判

州備寇鑿海灘以藏舟至今人呼鄭公灘

舊志無傳今據嘉靖府志增入

劉攽字貢父饒州人熙寧中判尚書考功與王安石書論新法不便安石怒斥通判泰州為政寬平人甚感頌

舊志參宋史

陳瓘字瑩中延平人後寓四明為鄞人舉進士元祐中知泰州紹聖初章惇以宰相召知淮南遇瓘惇素聞其名獨請共載訪以時務瓘喻以乘舟偏重別自君子小人惇良久曰司馬奸邪所當相辨瓘曰相公誤矣果然將失天下之望建中靖國初瓘為臺諫力攻蔡京蔡卞

秦州志

卷之二十

名宦

六

貶之後守李琪以瓘入先賢堂為七賢之一云

舊志

新舊府志無傳案章惇知揚州府志屬元祐元年宋

史奸臣傳不載但云黜知汝州哲宗親政首起惇為

尚書左僕射兼門下侍郎所云以宰相名當是此時

宋無知淮南官且名入為相不得知軍州事知字想

是過字之誤李琪府志作李淇先賢堂舊志亦不載

張次山通州人進士元祐初知秦州一日有鶴集階下

若有訴至其巢乃某攘其雛烹食即擒杖之鶴方退飛

次山居官廉蒞事簡聽斷不以私撓後為西京轉運判

官舊志參輿地紀勝

案府志云文彥博包拯薦諸朝熙寧中知秦州舊志
雍正府志俱云元祐初未知孰是

曾肇字子開紹聖中知秦州肇天資仁厚而容貌端嚴

更十一州類多善政宋史

陸佃字農師吳縣人紹聖中知秦州建貢院開鳳凰池
置堂閣亭庵以經術課士以平易臨民事簡政清人甚

感頌

舊志 府志據東都事畧作越州山陰人案陸氏族譜云佃由山陰返震澤祖籍應作吳縣人

岳飛字鵬舉湯陰人建炎四年為通泰鎮撫使兼知秦
州飛辭乞淮南東路一重難任會金攻楚急詔張俊援
之俊遣飛行而命劉光世出兵援飛飛屯三壑尋抵承

秦州志

卷之二十

名宦

七

州三戰三捷殺高太保俘酋長七十餘人光世等不敢
前飛師孤力寡楚州遂陷詔飛還守通泰有旨可守則
守如不可守但於沙洲保護百姓何便掩擊飛以秦無
險可恃退保柴墟戰於南霸橋金大敗渡百姓於沙上
飛以精騎二百殿金兵不敢近今柴墟鎮有臭達子頭
地名或云飛殲金兵處也後州人建廟祀秦山之巔舊志 參宋史

案宮偉鏐云李心傳建炎以來繫年要錄建炎四年

七月岳飛為通泰鎮撫使兼知秦州九月以所部入

秦州十月飛在秦州十一月左監軍昌犯秦州飛以

秦州不可守率眾渡江飛知秦州計三月自建炎四年十一月卽爲金人所據至紹興元年三月金人退馬尙暫守未幾代以張榮

馬尙建炎三年通判秦州修城壁廣濠池時巨寇王琳嘯聚境上持閭邱勅帖欲入領州事尙察其僞不納琳合兵圍城尙晝夜巡禦募敢死士千人開城出戰殺獲甚眾凡四十二日相繼薄城者五六終不能犯紹興元年進知秦州招徠軍民並墾闢鹽場境內以饒

舊志

張榮建炎間與賈虎等領義軍由梁山泊與金人轉戰南下至於承楚時金監軍撻懶在秦州義軍劫之屢撻

秦州志

卷之二十

各宦

八

榮謂秦州承楚內地秦州復則承楚無不復於是決策先復秦州與金遇於漆潼村佯敗引舟退入縮頭湖殺獲甚眾撻懶收餘黨在秦者一夕奔楚州時紹興元年也劉光世上其事明年知秦州

舊志

王喚知秦州紹興十年開城內東西河建藕花洲嘉定

橋

舊志

案宋史紹興十一年二月辛巳知秦州王瑛兼通秦二州制置使喚應作瑛

呂本中字居仁公著曾孫好問子紹興六年賜進士出身擢起居舍人兼權中書舍人司理秦州初本中與秦

檜同爲郎檜旣相私有引用本中封還除目檜勉其書
行卒不從已上舊志舍人官箴云當官處事常思有以及人

如科率之行旣不能免使就其間求所以使民省力不
使重爲民患其益多矣予嘗爲秦州獄掾顏岐夷仲以
書勸予治獄次第每一事寫一幅相戒如夏月取罪人
早間在西廊晚間在東廊以避日色之類又如獄中遣
人句追之類必使之畢此事不可更遣別人恐其受賂
已足不肯畢事也

呂祖謙字伯恭好問孫惟揚志云任秦州獄掾其事不
傳惟桑子河堰記載州志中舊志

秦州志

卷之二十

名宦

九

案新舊府志本中祖謙俱無傳雍正府志仍嘉靖惟
揚志特標獄掾之目書祖謙一人當是據官箴錄入
新府志刪去本中於新舊府志俱入通判不云司理
秦州宋史祖謙傳內無任秦州獄掾之語本中傳內
云元符中主濟陰簿秦州士曹掾秦州或係秦州之
譌今無他本可校然與州志傳內所云紹興六年司
理秦州亦不符山堂肆考云呂祖謙官箴今存者呂
本中官箴一卷篇帙無多而語皆明切 本朝陳文
恭從政遺規引舍人官箴則云此呂東萊先生曾叔
祖名大中之言未知何據宋史東都事畧有呂大忠

傳大忠藍田人元豐時提點江淮刑獄非大中且官
箴內所云顏岐爲顏復之子復爲元祐時人岐於建
炎初同知樞密院事不應與祖謙曾叔祖同時以山
堂肆考及舊志參攷之官箴爲本中所作本中後擢
起居舍人故稱舍人官箴宋時司理司法通謂之曹
掾官亦號獄官獄掾當卽指司理而言據此則秦州
獄掾當是本中非祖謙新府志因未詳攷遂并從刪
又本中稱東萊先生見宋史東都事畧本傳後人多
以東萊先生稱祖謙故易致誤桑子河堰記或亦本
中官秦州時所作也今仍舊志雍正府志並列本中

秦州志

卷之二十

名宦

十

祖謙而辨之於此至宋官有士曹有司士有司理本
傳所云士曹掾是否卽係司理秦字是否秦字之誤
或先爲秦州士曹掾其後司理秦州兩史傳未載俱
無從臆斷以俟知者

張子正淳熙元年

府志作三年

知秦州州東捍海堰自范仲

淹修治後復圯於潮汊子正守郡益加版築不計工費
惟取堅實官貲不足陰以家財益之

舊志

案循王張俊子五人子琦子厚子顏子正子仁見史
傳則子正俊之子也

碑字元亨錢塘人淳熙十年知秦州購名書藏之州

學修城東南北三水門建譙樓其上增祀胡瑗王居正於三賢祠建崇明樂真利民三橋並以儒雅飾吏事澹然不事功利而蠱弊盡除民甚德之舊志

陳文弼淳熙十四年知泰州臨民有惠政立郡守荆罕儒以下一百四十七人題名碑教授顧簡記舊志

陳之綱字仲宏崇德人慶元初令海陵時范公堤久頽潮汎衝突為農害之綱請於郡董役修治堤益堅固民

賴之舊志

陳茂英知泰州嘉泰二年重建學三年建平糴倉四年

疏太子港以益水利舊志

泰州志

卷之二十

名宦

十一

趙充夫常平使嘉泰二年給學田置義廩舊志

史彌寧鄞縣人嘉定間知泰州修築學宮繕繪從祀像

建御書手詔亭舊志

趙逢知泰州自紹興辛巳金兵攻毀城垣至開禧丙寅四十有七年逢至始加修築焉舊志

施宿常平使海陵城垣久圯宿申乞耗鹽袋錢置窰百座並乞兵夫修築廣厚視舊有加復建惠民倉惠民藥

局嘉定十五年郡人祠之於城隍廟西廡禱多應紹定

元年守陳垓增繪像於景賢堂舊志參春雨草堂集

案宿字武子吳興人見明浙江通志

李駿嘉定間知泰州建方洲經武館迷仙庫置兩倉
城郭葺司房廊宇請增戍兵千人開新河自南城至北
城創經武嘉定天寧三橋

舊志

陳垓字漫翁閩人寶寧二年知泰州兼權淮東提舉建
泰堂鑿東西北外濠並浚南濠置節制司營房馬廐七
百間紹定元年遷貢院新學院諸樓臺亭館庫庖場務
坊里橋梁所營創者凡六十餘所州人享其利焉嘉熙
淳祐再任凡四次

舊志

案府志引宋史理宗紀寶祐元年陳垓貪臧不法竄
潮州以時代攷之似卽是人因無他證故仍錄入

泰州志

卷之二十

名宦

三

趙瑛夫明州人淳佑間知泰州時金兵哨至瑛夫增城
濠濠益嚴備禦

舊志

何舜臣寶佑間知泰州增月城開四門濠池及圃子外
濠岸使周圍相通

舊志

許堪金華人嘉熙中知泰州增治城濠四角爲月河深
廣皆倍於舊又創堡城於城北五里淳佑元年金兵突
至以濠深不敢向城州人德之

舊志

舊志有張茂直邢昺富言呂夷簡曾孝序許元徐正
卿王揚英惠孔時吳從龍孫虎臣高夢月李庭芝姜
才十四人張茂直邢昺惠孔時無宦蹟今刪王揚英

曾薦秦熺為相不應與忠武同列名宦其建造聖廟諸事今見事畧曾孝序許元今入流寓富言呂夷簡頓起徐正卿事並見雜志孫虎臣高夢月吳從龍李庭芝姜才並入忠節

元李德貞字幹臣東平陽穀人皇慶中尹泰州政平訟簡州人安之得宋淳熙海陵志捐俸付梓舊志案元時有東平路府志秩官作李東平誤

舊志有趙漣非泰州官今錄入忠節

明張遇林廬州人洪武元年知泰州撫綏四境興俗更化創治衙署以學校農桑為首務境內橋梁坊巷無不

泰州志

卷之二十一

名宦

修復未久去官士民懷之不忘舊志

黃通理密縣人永樂元年任泰州判官施設有方創建

魚行溱潼西溪三牖舊志

王思旻黃岡人正統間任泰州判官政事修理吏畏民懷九載升本州同知益加淬勵修州治建鼓樓遷驛為館造廣運望江二橋置預備倉廩八十間凡境內事無不經畫盡善民至今德之舊志

案思旻見明史循吏傳修州治府志作修州志誤

馮敬故城人成化四年知泰州深達治體剛直有氣節學宮東號房十間諸生有遊進者才而貧去任時

家藏銀杯贈之爲燈火資舊志

左輔永新人進士授御史以言事謫雲南驛官成化間

知秦州外和內剛判決如流六載刑清政簡庭無重辟

歲致豐稔其創從祀賢像建州治大門公館察院崇文

鼓樓諸役皆無擾於民舊志

陳志字惟學薊州人成化十四年知秦州能悉民情草

吏弊有築楊公隄府志作范公堤修學校復書院廣儲蓄諸美

政尤以勸民爲先務其捕猛虎却飛蝗人皆稱異云四

載卒於官舊志

彭福字綏之安福人進士成化十九年知秦州賦性剛

秦州志 卷之二十一 名宦 十四

方不阿上官巡河使者令秦州月發濬夫三十名以代

寶應役福堅拒之州北舊爲監運鹽司址當事欲隳民

居復舊司福力以小民安土重遷爲言事遂寢額制歲

徵給兵豆草民輸倉候支經年多腐責其償補福議折

價豆每石折銀三錢草每包折銀三分奏上報可詔各

郡縣遵行之民以爲便舊志

謝傑字洵卿龍溪人進士宏治十一年知秦州傑爲治

以興學作士爲首務每朔望詣學設講議論根据理要

士子環聽日昃不厭十六年夏秋亢旱田疇龜坼傑素

衣蔬食徒步虔禱甘雨立至州人德之升南雄府同知

舊志

簡輔字汝欽馬平人進士正德間由永新令謫泰州

官果敢任事能決疑獄嘗建府館及各署理馬政永著

定規正德九年浚東西市河商民稱便

舊志

郭桂咸寧人進士知秦州廉潔善斷每晨興坐廳事獄

訟頃刻而決公暇卽攜鋤灌蔬以自適其簡樸若此考

最擢鎮江府同知

舊志

韓廉字守清餘姚人進士正德中出御史謫知秦州持

重達大體蒞任一年六事具舉士有困乏者分俸入周

之升河南按察僉事

舊志

秦州志

卷之二十

名宦

五

成樂字以和石首人正德十年知秦州政尚寬惠德化

大行操持清謹豪右請謁一無所假閱三載卒官至無

以爲斂士民悲慟百戶劉欽厚賻扶柩以歸人名宦祠

舊志參嘉靖府志

陳則清字君揚閩縣人進士正德十二年知秦州敏於

吏事平易近民值大水請於當事發粟賑恤暴斃露齒

皆令富民掩瘞之政暇集諸生授以春秋講論不倦云

舊志

謝源字士潔閩縣人進士任御史以直聞正德十六年

謫爲秦州判官毀淫祀立賢祠復學田修志乘建貞節

坊諸事皆與知州金廷瑞行之未幾轉官去舊志

王傳番禺人舉人正德間為泰州學正束躬整約訓士

有方諸生中有貧不能自存者捐俸周之在任九載兩

校秋闈攝鄰邑篆亦以廉謹稱祀名宦舊志

王臣字公佐舊志作公弼南昌人進士嘉靖六年知泰州愛

民如子浚關河寬徭役歲饑請蠲租六萬餘石移預備

倉行保甲連坐之法撤淫祠毀銅像以鑄文廟尊劍增

修樂器選樂舞生供祀廟廷創尊經閣立宋范仲淹胡

瑗祠聘州人王良講學為諸生師設社學四所曰端本

慎初立誠養正以化導斯民為已任政成教行里巷皆

秦州志 卷之二十 名宦 六

絃歌焉祀名宦舊志

黎堯勳字樂溪樂至人進士嘉靖二十年知秦州廉明

威肅民不敢欺每集諸生講學安定祠中示以二業合

一之訓祀名宦舊志

李遂字邦良豐城人進士歷遷右僉都御史嘉靖三十

六年倭擾江北特命遂巡撫淮揚等府三十八年倭數

百艘寇揚境遂命副使劉景韶等扼如皋而身馳泰州

當其衝連戰皆捷賊大敗走據廟灣遂令景韶塞蘄夷

木火焚其舟賊乘雨夜遁官軍追至鰕子港江北倭悉

平遷兵部侍郎卒贈太子太保諡襄敏本傳

舊志無傳今增人

張景賢字明崖眉州人進士嘉靖三十三年

舊志作三十二年

以倭寇日警始設海防兵備副使駐泰州以景賢為之

甫任倭大至景賢自出督戰募死士授以火攻方畧盡

殲之暇則崇文興賢獎進後學官至都御史

舊志

馬慎字自修號龍池大城人進士嘉靖三十五年任海

防兵備道倭寇薄城下嬰城以守賊遁去追擊於狼山

敗之

舊志

劉景韶字子城號白川崇陽人進士嘉靖三十六年任

海防兵備道時倭寇猖獗景韶佐李遂治兵臨陣奮勇

泰州志

卷之二十

名宦

七

躬擐甲胄者九十餘日生禽百斬首三千獲器械緇重

以萬計捷聞增歲俸二級三十八年夏四月倭犯盧家

場于戶汪時中擊却之參將胡宗義與倭戰於海安兵

潰六月景韶率兵追倭於劉莊場盡殲之後升浙江按

察使

舊志參雍正府志

案劉莊場在州治東北屬興化

唐順之字應德武進人會試第一歷遷右通政視師南

畿時倭犯江北急順之與巡撫李遂大破之姚家蕩復

薄之廟灣三沙賊復屢告急順之躍馬布陣盛暑居海

舟兩月遂得疾會李遂改官南京即擢順之右僉都

史巡撫鳳陽等處適淮揚大饑條上海防善後九事
已甚猶巡歷海上核戎旅考荒政鞅掌盡瘁卒於泰州
之姜堰鎮淮揚人建祠祀之

本傳參萬厯府志

舊志無傳今增入

朱公節山陰人嘉靖三十五年府志作三十四年知泰州繕城

郭浚河隍倭寇不敢窺伺悉捐不急之征却常例千金

清白之風至今稱焉祀名宦舊志

姚篚字龍津平湖人嘉靖中知泰州招集流民墾闢田

畝裁省冗費約束吏胥出俸資商羨糴米三百石建義

倉於學貯之以貸諸生每石加息米二斗歲計得息米

泰州志 卷之二十 名宦 六

九十石以充公費後為師生乾沒盡廢舊志

潘頤龍字雨田錢塘人進士嘉靖中知泰州約已裕民

一介不苟取定經費以便民民稱之舊志

何宏順德人舉人嘉靖三年任泰州學正方嚴直諒見

諸生必公服以臨講誦不廢寒暑值大饑部院遣官賑

恤每令二生往監之曰何教官弟子必不欺也學行科

條江北稱最官至監察御史舊志

樊城字石坡豐城人嘉靖間任泰州學正講學課藝士

皆悅服州學舊有田久廢城力請之監司以議士攝州

篆州人愛如父母海安鎮舊無城時倭寇方熾議建

巡撫唐順之檄城往營度城聞命疾馳赴鎮集居民言
恩威諭禍福衆力競勸不二旬城成順之及副使劉景
韶嘉嘆之未幾轉官桂林景韶欲畱參幕府將具疏以
請力辭歸

舊志

簡籍巴縣人歲貢生嘉靖間任泰州訓導長厚溫淳所
得俸資每分給諸生貧乏者士心感之不置歸里後入

巴縣鄉賢祠

舊志

傅希摯字後川衡水人進士隆慶三年任海防兵備道
時倭寇蹂躪之後井邑蕭條守禦闕畧希摯相度江海
險要於廖角背等三十六所增艤艦備器械募竈勇開

秦州志

卷之二十

名宦

五

屯田以給軍精倭氛遂息歲值大水力請蠲租民咸德
之屢遷至總河少司空築樓子莊高寶湖堤平水諸牐
河流安瀾至今爲利入爲戎政尙書

舊志

陳耀文字晦伯號筆山確山人進士隆慶五年任海防
兵備道時倭寇甫平境有巨猾乘亂嘯聚數千人盤據
窟穴日史家莊日灰廊村日樊汶而據史家莊者尤稱
驍黠江上劫掠商賈官軍不能制其黨有密踰城爲謀
者有司捕械至亟釋之誘以重賞令過史家莊給其賊
日官兵盡解散矣賊信之弛備耀文勒士卒銜枚夜鳴
其莊盡格殺之餘黨奔潰自是諸村落悉安耀

淹博於書無不窺覽著有天中集二百餘卷文集數十

卷正楊四卷舊志

吳尙城連江人舉人隆慶間任泰州學正課諸生文藝品隲公明士心悅附擢陽山令知和州俱以循吏稱官

至廣信府同知舊志

李誌字廷新號旭山縉雲人進士萬曆二十六年巡撫兩淮保釐揭瘡加意撫卹繕營房百五十間不役一夫

日自有分番之伍可用也以朝命中瑞出督商稅誌上

疏力爭詔令致化人咸惜之舊志

李三才字道甫號修吾臨潼人府志作直隸通州人進士萬曆二

秦州志

卷之二十

名宦

三

十七年任巡撫時趙古元倡亂於徐勢甚猖獗三才畫策擒之民以寧謐州民應赴濟黃河令之出錢顧募有假附誠意伯以占民田詐稱陳太監以索民賂及督稅之官坐為民擾者俱按治之修學宮濬市河均門攤政績甚著萬曆三十一年六月移駐淮安舊志

案府志載三才疏陳礦稅之害因非秦州事不錄

胥遇字際明號頤川眉州人進士萬曆十三年任海防

兵備道初至問民疾苦知水患最急即檄守令分勘下

流海口壅閼則東濬三場穿范隄達苦水洋牛灣河北

疏兩河從葫蘆港夏糧河達新豐市入海上流湖水

益則闢惠政橋引趨芒稻河南注於江授期興役令
竣工民賴其利州城以霖雨崩圯遇庀財鳩工夫役
之召募銀粟取之公帑不括民間一錢州人立碑記之

舊志

周夢暘字啟明號明宇南漳人進士萬厯十六年任海
防兵備道修明軍政釐革宿弊肅聚荏苒者皆望風匿
去憫秦州田賦獨重民不堪命力請蠲折數十年逋累

一旦盡除暇則課諸生文藝品騭公明士心悅附

舊志

熊尙文字思城

府志作思誠

豐城人進士萬厯三十八年任

海防兵備道清剛廉正約已崇儉官舍中竹籠布袍而

秦州志

卷之二十

名宦

三

已時倭寇猖獗尙文以廖角莆爲海濱要地設屯練兵
名新義營會倭寇掠掘港場泗港口羽書旁午尙文靜
持之密偵得其情選銳疾趨不踰時而羅致麾下尙文
念秦州民溢徵爲累嚴示裁禁歲免銀七千兩有奇凡
公費可節省者皆酌減刊賦役成規迄今遵行之暇輒
偕諸生詣安定祠講學士風一變後累官至兵部尙書

舊志

鄭國俊字養冲解州人進士萬厯四十年任海防兵備
道揚故利煮海私鹺不可勝詰當事者議行官鹽法
濫飽之家爲鋪戶令出資買引置鹺而市於民比

戶口給票買之以杜私販民泣訴不便國俊曰此
何可強也卽以狀聞議遂寢民以無擾他如警惰員
闖茸覈臧吏之侵牟善政不可枚舉州人爲立石誌

舊志

蕭景訓字抑堂江西泰和人進士萬厯三年知秦州政
尙明決不可干以私憫州地鹵瘠民爲他邑分任徭役
再三請罷之作平役錄約佐貳毋得受民詞兩造在廷
剖斷如神吏胥奉簿書惟謹田賦令民遵期自納不知
有追呼之擾公暇每召士講議以爲樂

舊志

李裕字知泰黃岡人舉人萬厯十一年知秦州時興泰

秦州志

卷之二十

名宦

三

久被水患裕請開丁溪海口以宣泄淤溪秦潼西溪寧
鄉及東臺何塋串場河諸水巡按以聞於朝具如所請
自是水有所歸阡陌皆復民甚賴之州人陳應芳記其

事

舊志參
府志

文在中陝西三水人進士部主事萬厯中以言事

謫秦州同知丰裁峻厲不與禦城社之蠹靡不望風
匿影而保民如赤尤重學校士貧不能自給每捐俸以

助二年仍升主客司主事

舊志

王可上饒人舉人萬厯中任秦州判官職在督糧不
催科病民操守清白人咸稱之

舊志

譚默字仁卿廣東仁化人舉人萬厯十四年知泰州先是河蓄田稼盡損勘災吏至署篆者慢之恚去以輕災聞檄徵賦如常民不聊生默至撫慰曰吾終不令若斃於征輸已而運艘抵郡催漕火迫默控之當道請出倉中陳穀及貸鹺金若干兩以糴臺使者有難色默泣請不已乃爲疏請得報可漕以獲竣明年春民苦艱食默設粥以賑全活者萬計城額約五百餘丈工費無所取給命牙僧納鏹給帖以庀徒庸令饑氓失業者供畚鍤之役城完而民無轉徙其善籌荒政若此姜堰盜起默不爲張皇懸賞購得渠魁一二人脅從者星散每聽訟

兩造集廷必使之各竟其說以故訟無冤抑秩滿升廣西南寧府同知辦裝無貲父老具金以贈悉却之州人

陳應芳爲之傳

舊志

劉應文字彬菴東光人舉人萬厯二十一年

崇正舊志作二十年

知泰州居官廉惠常俸外一豪不苟取嘗天寒思煖耳宦家中持紫貂獻之應文斥不受尤平易近民不事錫笏兩造相訐者徐爲開諭各輸服而去先是州竈戶糧輕徭寡奸人多竄入竈籍以避役大爲民病及催科令下竈戶不赴而保家者代爲輸官胥吏交竈穴於中吏不能詰恣其乾沒及逋課莫出則往往責代償

應文洞悉其弊請於當道初狃成議意難之奸竈
愬於巡鹽直指右竈而左民議幾格應文率士民力爭
之年餘然後報可分竈與民爲二饒司徵竈糧而州徵
民稅始盡祛積弊民得更生遭疾卒於官啟其笥止舊
紅章服一襲備兵使者哀而棺斂焉櫬歸之日士民
聲震地舟過西雙廟猶有環棺泣送者

舊志

李存信字成甫廣昌人舉人萬厯二十九年知秦州長
於折獄吏弊一清建石壩於宜陵修秦州志

舊志

王之臣字任吾潼關衛人進士授諸城令萬厯中以阻
稅使謫秦州判官狷介自持職司漕運省耗米草常例

秦州志

卷之二十一

名宦

三

設立規程州民稱便聽訟不苛尤喜接士竟日談文不
倦時州守酷虐無辜冤慘之聲不忍聞遂飄然解組人
以爲難後累官巡撫宣府僉都御史

舊志參雍
正府志

崔國裕字充吾長安人舉人萬厯四十二年知秦州在
任五載以撫綏爲催科不施鞭朴輸者恐後凡厥里徭
役杜胥保侵漁之弊民無重賦州有宿逋悉爲請蠲編
審保甲公平允當招集流移復業者四千餘戶祀名宦

舊志參康

熙府志

韋宗孔字太和黃岡人萬厯四十七年知秦州前守
設板屋以繫囚慘於囹圄宗孔至立毀之時歲苦旱

年復患潦漕米無出宗孔力請改折民賴以甦在任
年釐奸剔蠹城社一清秩滿遷桂林府同知

舊志

于覺民字任所醴泉人貢生萬厯四十七年任泰州判
官潔已愛民以憂歸士民懷之立去思碑於迎恩門側

舊志

樂上應江西東鄉人舉人萬厯間任泰州學正持身以
正訓士以嚴取與一豪不苟講貫終日無倦色士論翕

然歸之

舊志

沈學字勤甫號復吾無錫人舉人萬厯間任泰州學正
獎進後學課藝無間寒暑一時科第多出其門前此學

泰州志

卷之二十

名宦

三

田為豪民占種租入纔十之三學至始遷官召佃悉復
舊額焉

舊志

周汝璣字柱瀛商城人進士天啟四年任海防兵備道
為治簡肅尤注意民膜閱泰州民竈合徵之累力請當
道分竈糧民稅為二鹺司知州各徵之以州貳權篆多
闖茸者會泰州出缺檄泰興令張鏡心兼攝州篆鏡心
故良吏州人德之又以鳳米本色疲厥里轉輸為艱力
請改折有阻其議者事不果行

舊志

新舊府志無傳案民竈分徵事見前劉應文傳當在
萬厯二十一二十三年間已報可奉行不應天

復有此請恐有舛誤姑仍舊志編入

來復字陽伯號星海三原人進士天啟七年任海防兵備道時璫勢正熾有胡劉二閹踞郡以檢括欽臧為名怙威張甚復正色弗為禮二閹恚至惡聲肆詈復抗言少挫未幾魏忠賢敗悉按治其黨寘於理復善治兵多方畧賞罰必信海上有大盜王虎子等聚眾數千有司不能詰復縱反閒離其黨與渠魁就殄又捐俸葺城濬市河迄今賴之

舊志參康熙府志

李學旻字本仁

舊志作如衷

臨川人舉人天啟四年知泰州

泰壤多鹽場濱海盜藪有巨豪為之窟穴學旻設計擒

秦州志

卷之二十

名宦

三

其魁脅從解散境內以安在任一載以治盜執法為宵人所構被劾去官士民號泣奔送者百里後州人思之

追祀名宦

舊志參康熙府志

向孔門字二丹宜都人舉人天啟六年知秦州蒞任不數月摘伏發奸吏胥束手境中有麥秀三歧之異識童子田毓蕙於小試更名顯吉後成進士時海盜王虎子等白晝戕人結捕役為腹心無敢聲言者鞠訊時則又輾轉扳連捕役藉以婪索為害愈不可問孔門洞悉其弊嚴督捕役刻期擒獲不令妄扳一人羣盜就獲後資解脫孔門力持之卒正典刑安豐士民立祠祀焉

以強項忤上官左遷去舊志

王象晉字康宇新城人進士崇正間任海防兵備
奸翦慝十城憚其風采時巨盜王虎子嘯聚海濱剽掠
殺人象晉親埽其穴又有陳三漢等出沒波濤謀不
象晉設方畧擒斬以徇暇則招諸生闡發經旨疊疊不
已持已清肅圖書而外泊然無嗜好遷蘓松糧儲參
在任時著有羣芳譜二十八卷操觚勦說一卷舊志

袁繼咸字臨侯分宜人進士崇正間任海防兵備道獎
廉抑貪鋤奸扶善胥吏強暴者折以刑境內乂安時中

秦州志

卷之二十

名宦

三

官楊顯名飭理兩淮鹽務御史轉運使以下跪拜趨謁
而繼咸獨不屈顯名劾退之通國謹譁閉城門遮留者
十餘日繼咸慰諭之乃出去揚州數月朝廷悔悟擢繼

咸巡撫楚中

舊志參雷士俊大政記

鄭一陽字潛庵鄆陵人進士崇正八年

舊志作七年

以僉事

備兵維揚九年流寇焚鳳陽陵寢江北震動一陽簡練
士卒戰守之具悉備寇再躡滁州陷六合而揚無烽火
之警者皆其力也時巨璫以覈鹽至責監司行屬謁禮

一陽屹然不撓璫亦心折之鹽政日壞竈丁困甚欲

亂一陽扁舟往撫之皆流涕不敢萌異志馭吏嚴下

尚細案無滯牘公暇卽賦詩屬文後擢巡撫安廬

江都縣志

舊志無傳今據府志增入

黃家瑞字知干滕縣人進士崇正十四年任兵備副使

時江淮驛騷家瑞訓練儲蓄悉心籌畫民賴以安

舊志

徐日升字海樹長山人舉人崇正間知泰州老成練達

長於吏治時副使鄭二陽整飭地方日升實左右之

城垣以及學宮尊經閣望海樓鐘鼓樓俱加修葺費不

累民鄙家莊饑民嘯聚日升撫綏勸諭衆遂散日升工

書學邢子愿嘗書州大門聯云有一日閒且耕爾地無

秦州志

卷之二十

名宦

三

十分屈勿入吾門其與民休息可見矣

舊志

案府志據山東通志云日升除秦州牧有殺人借尸

以誣士子者力剖決之又案治豪黠士心大快

陳素字澹仙桐鄉人進士崇正間知秦州興利治弊政

聲卓然時旱蝗數載民困甚素徒步虔禱州民感之

有火星廟在州治西南經武橋右素以火德不宜居人

地遷之北關外壬午分校南闈所得皆知名士著有圖

中讀易解春秋正義若干卷

舊志

舊志有傅友德田慶薛均董儀陳仲名楊榮陳古

倪晉明金廷瑞方岳十人傅友德非秦州官今見事

畧田慶薛均董儀楊榮陳克讓金廷瑞無宦蹟今刪
倪晉明今見撰述陳仲名方岳今並見雜誌又府志
有門克新載其秩滿召對事非宦蹟今不增入

國朝周亮工字元亮江西金谿人祥錄前明庚辰進士順

治三年任海防兵備道時地方初定告密者多亮工持

以鎮靜人皆樂業海陵有黠奴密告宦室謀反狀趣治

兵掩捕之亮工偵知其妄全活甚衆節錄府志

王爾祿字念尼保定人府志作黃陂人進士順治四年任海防

兵備道時揚州初定牙孽其間者實繁有徒爾祿多方

勸諭遂棄戈安業地方得以無事凡見諸設施者皆實

秦州志 卷之二十 名宦 三

心實政與民休息舊志

高光夔字念侶文安人進士順治十四年任海防兵備

道至任首除蠹掾之素無狀者時海上告警保長衙蠹

以派塚爲居奇燈火費動輒數百門軍乘居民出入橫

索錢光夔謂秦距揚百里當以揚之緩急爲緩急一切

持之以靜秦人始安舊志

劉孔中字藥生長山人順治二年知秦州時地方初定

孔中好士禮賢全境以治開市河資灌溉勸吳陵社課

士刻有吳陵詩選舊志

趙汲字潤宇遼東錦州人貢生順治八年知秦州首

劇盜游三游四等民賴以安市河淤則波行民疏
修學宮設藥廠代貧民完漕欠以除宿累州疊被水
山盡沒民不聊生汲屢陳蠲恤皆得請祀名宦舊志

人鏡字黃初歸安人拔貢生順治十三年知秦州
混渾厚不喜鞭笞而民益嚮化每值旱魃人鏡步禱輒

舊志

田作澤字雪龕商邱人選貢生順治十四年知秦州始

到即修飭學宮舉措得宜治行循卓暇則從賢士夫論
文為樂所識拔皆知名士刻有曲江會藝舊志

趙天麟字乾符武鄉人選貢任州同溫恭儒雅舉措一

秦州志

卷之二十

名宦

三

本公正歷任八年始終一轍不改清操擢升同州知州
舊志

劉佑字雲麓曲周人恩貢生康熙元年知秦州一日十

行案無畱牘得暇喜與詞人墨客遊處四方知名士有
至海陵者必邀與州人士款接云舊志

方樹程字書庵於潛人拔貢康熙八年知秦州時功令
以地方不治皆吏胥為蠹有禁用舊役及改名復充子

姪頂名影射諸條而奉行者少樹程不少假借弊竇為
之一清舊例易知單必列科則於前細民得以周知

但列錢糧總數易於蒙混樹程立浮粟附於單後又

州門立馬政碑民皆感之舊志

巖愈字益卿沔縣人鳳翔籍蔭生康熙十年知秦州自

年至十一年州被水災歷蒙蠲賑愈必親臨之俾小

戎霑實惠徵收錢糧於正項外一豪不染有封還羨金

之事倡修文昌閣海陽樓輯州志為政不事苛嬈與民

休息稱循吏焉舊志

振蛟字玉川懷慶人秩官志作濟源人貢生康熙二十一年

知秦州敦尙文教崇獎節義風俗為之一新有未婚女

自縊殉夫振蛟親往拜之舊志

範世綸字文白號潯江晉江人蔭生康熙二十六年知

秦州志 卷之 各宦 三

秦州興教化勤撫字絕請託嚴察吏役革除耗羨州城

罹水災多傾圮世綸按行城市知廢輒積灰可用捐俸

俟助民樂趨事不日竣工開浚下河役不累民時楚警

未靖援勦調兵過秦世綸先期戒備盛具芻茭糗糧同

閭無擾二十八年升揚州府知府官至總漕舊志

王光培陝西人舉人康熙二十八年知秦州質朴信實

待人開心見誠禮士愛民苞苴謝絕去官之日宦橐蕭

然有廉吏之目舊志

柯榮庚字亮卿陽曲人秩官志作太原人

進士康熙四十年知

秦州立誠尙樸吏民

擇諸生之有行者董其役期年竣工植柏於戟門前
興庠序甄拔士類州人至今思之

舊志

武柱國字鼎臣鑲黃旗人監生康熙四十六年由山陽
縣令扈

駕巡河奏對稱

旨賜以詩幅適泰州缺出

特授知州蒞任後明決如神剖析疑獄懾服奸宄尤喜獎擢士

類所識拔皆英俊修學宮尊經閣成每試士輒就閣上
寢宿扁門試之以此得佳士焉五十二年再任泰州居

官強毅如初

舊志

泰州志

卷之二十

名宦

三

魏錫祚字長麓萊蕪人進士康熙五十三年由河南林
縣令卓異引

見賜蟒衣

特授泰州知州為治本經術讞獄不事苛察寬平和易去一切

武健嚴酷之習徵糧有善法賦以時集而民不告勞散
里一事尤措置得宜遇士以禮有膏火不繼者往往分
俸濟之安定書院圯廢捐資倡修規制闕敝課士其中
三校鄉闈所得士多入詞館在任十三年民愛之如父

母薦舉引

見賜松花硯貂皮諸物

江西南建昌府知府父老攀轅泣送數十里不絕時論

舊志

汪兆璋字芾斯潯縣人錢塘籍康熙六年官泰州運判屬

場蝗起兆璋出粟購捕蝗滿石給斗粟數日蝗抱草木

死在職九年以廉幹稱嘗增輯中十場志府志

錢化洪字山銘吳縣人舉人署泰州學正愛慕有道喜

及引後進講論詩文不倦候補廩生沈喬生應貢試貧

甚化洪徑以名上學使者喬生遂得貢州人士多稱之

後知河南羅山縣舊志

袁澄字清臣金壇人舉人康熙間署泰州學正自宋紹

泰州志 卷之二十 名宦

定元年守陳垓遷貢院於學之東浚泮池甃通衢東入

又前明成化二十年知州彭福闢拓學東南故地周一

百二十丈築淤填蕩以復東入之衢則東入之衢自宋

已然議修復者近百年澄至始毅然更闢焉海陽樓傾

澄謂不利於秩官人物因循不果修後俱驗時地方稍

安集每試士輒有寄籍託冒其間有持百金餽澄者澄

却不受由是冒貫絕迹州人稱之舊志

吳標字丹山上元人舉人康熙間由內閣中書改授泰

州學正課士勤敏諸生貧者分俸給之分校浙闡稱

士舊志

徐大中字南村華亭人康熙五十六年任泰州學正
身訓士以范希文爲已任顏其堂曰范任雍正初與知
州褚世暄重輯州志府志 舊志 秩官 作上海人本姓李
何五芝字蔚驤合肥人歲貢康熙間任泰州訓導五芝
性剛毅諸生有見侮於胥役者必直之乃已舊志
汪偉業字韞侯長洲人貢生康熙間任泰州訓導廉狷
不苟雖絲粟無妄取臆脯輒遺貧友工詩舊志
褚世暄字華峯宣化人初任山東范縣

憲廟聞其賢

錫以

泰州志

卷之二十

名宦

三

宸翰擢用知州雍正五年知泰州置藉田建先農壇庶政咸

重輯州志皆其手創府志

高鳳翰字南阜山東人雍正年官泰壩監掣時缺係新
設鳳翰蒞任後多所創建喜吟詠暇日與興化鄭燮邑
中王家相田雲鶴輩相倡和晚年病右臂以左手作書
畫尤精於草隸續志 稿

李世傑字雲巖黔西人乾隆二十二年知泰州性和易
待宵小極嚴下車時有撻之至死者姦宄斂跡泰之下
河田倍上河遇大水汪洋爲巨壑世傑請於上白鳳尾
橋下達東淘築隄數百里水不爲患每數里置一橋橋

有堡沿隄種柳至夏悉垂蔭以芘行旅又修學宮建安
定書院文教一興後任兩江總督入爲兵部尙書卒諡

恭勤府志

王鎬字介巖會稽人乾隆三十一年知秦州州瀕海賊
庫下可踰越鎬請帑增築邑以無盜警又以地廣難理分
州境設東臺縣自鎬發之甬王建浴沂亭於學宮修安定

書院士多向學府志

袁秉義字介夫宣化人進士乾隆五十年知秦州公正
廉靜敏於聽事案無滯牘盜賊不敢入境時有神人之
目歲丙午大水秉義屏胥吏至村堡按戶給賑饑商聞

秦州志

卷之二十

名宦

三

其賢餽金四千受之至除夕悉出以給民日居州署之
浮香亭讀書史作擘窠字招諸生之秀者至署課之給
資贍其家後遷淡水同知府志

王又樸字介山天津人乾隆十六年署秦州運判東臺
至秦壩一百二十里舊有楊公隄水衝坍塌又樸力請
重築以利牽挽議者以費重難之又樸捐資乘空鹽艘
之便載秦州浚河土投淤溪秦潼最深處月餘成隄二
十丈上官因以其事委之隄成商民賴焉府志

于國秀大興人牛采章京於乾隆三十五年對品補授
秦州營游擊原名烏綳阿山西綏遠城裁旗寄籍大

四十年

今名

府志傳內作四十一年任今據秦州營送册

蒞任後彈壓兵民

時州境患蝗國秀督兵撲捕數十晝夜不怠或以
請稍息國秀言捕蝗猶捕盜稍畱遺孽則前功必廢予
雖病不恤也盡殄乃止是歲蝗不為災官至左江鎮總
兵府志

段大雄字鶴峯監利人乾隆五十三年任秦州游擊約
束弁兵勉以忠孝大義一時循循皆知禮讓喜延接文
士書跡學晉人有儒將之目府志

王國龍懷寧人乾隆五十五年任秦州守備汰老弱募

秦州志

卷之二十

名宦

三

壯勇營務修飭緝捕巡防尤殫心力在任十二年間
安靜皆沐其惠府志

陳廷棟字錦堂錢塘人嘉慶六年知秦州公勤自勵折
獄如神在任三年苞苴屏絕以廉明稱府志

王勸字蠡臺麻城人舉人嘉慶八年知秦州乙丑大水
流孳載道勸每見輒哭州人感其意競捐金賑濟明年
卒於官府志

舊志有羅森褚承恩田興商包咸湯采尹五人俱無

宦蹟今刪

龔襲祥字中行號次山長洲人乾隆己卯舉人棗陽知

林改泰州學正蘇州府志前後三任品端學粹訓士有方先

是北門外過鹽壩設官稽察按引抽餘歲有常例襲祥

獨郊不取人至今稱焉采宋翔鳳憶山堂詩錄

方恩承號雯濤漢軍鑲黃旗人監生嘉慶十八年知

州性剛正無敢干以私者居恒喜講四子書義言笑

苟同官憚其丰采時議設清節堂恩承倡捐興事窮

多所全活州人頌之采訪錄

王規字同甫號菊泉歸安人附生嘉慶二十三年權知

泰州明察善聽斷終日坐堂皇決事兩造無不感服州

俗好訟動輒構辭相誣陷謂之搭臺又有舉債者厚取

泰州志 卷之二十 名宦 三

息不數年而子數十倍於母中貲家往往破產不能償

謂之贅子錢規皆力除之州中設清節堂前官未竟其

事規經理有成月捐米十石助之在任三載催科未嘗

責一人人皆踴躍去之日士民焚香送者夾衢巷設生

位者七處州人俞國鑑有廉吏歌後知吳江卒於官采訪

錄 規前後知江浦縣五載縣有黃快丁者本係前

明各衛食糧操軍專辦貢舫差務 國朝裁減減貢

後歲徵閒窳丁銀乾隆間因江淮興武二衛運丁

乏 奏准運快並僉復因快丁不諳運務酌定每船

每年追解貼費委伍代運浦邑派僉漕船四十九
隻歲需貼費銀五千一百餘兩窮丁無力完解因之
蕩產傾家逃亡遷徙者不可勝計更有刁劣之丁勾
串吏胥扳民入快其害無窮故有一快僉名合族
惶之語規苦心籌畫力請上臺勸集捐貲懇借
項共得四萬數千金發典生息代完貼費不特

高二千七百餘丁克保身家而上元江寧二縣亦依此辦理永免丁累皆規之力也因非泰州事附錄之以見規所至有功德於民云

